

ԱՐԱՄ ՎՐՈՒՅՐԻ «ԶՈՒՂԱ» ՀՆԱԳԻՏԱԿԱՆ ԱՆՏԻՊ ԱԿՆԱՐԿԸ

Հայ բեմի ականավոր կատակերգակ Արամ Վրույրը լավագույն մասնագետ էր նաև հնագիտական-ճարտարապետական-լուսանկարչական արվեստի ժամանակի հայ իրականության մեջ նա բացառիկ դեմքերից մեկն էր, որ իր հոանդն ու կարողությունը ի սպաս դրեց նաև մեր պատմական արվեստին և գիտությանը:

Նրբ 1892 թ. Ն. Մառը ոտք դրեց Անի, Արամ Վրույրն արդեն այնտեղ էր: Անիում շատատված նրանց աշխատանքային կապը խզվեց 1917 թ., երբ Անին դարձավ անմատչելի մեր հնագիտության համար: Արամ Վրույրը Ս. Պետերբուրգի Հնագիտական ընկերության անդամ էր:

Իր կողմից խմբագրած և հրատարակած «Հուշարար» երկշաբաթաթերթում Ա. Վրույրը տպել է մի շարք հնագիտական հոդվածներ՝ «Պեղումները Անիում», «Պարսկական բանաստեղծությունք Անիի պարիսպների վրա» և ուրիշներ:

1916 թ. նա գիտությունների ակադեմիայի կողմից և Մառի ղեկավարությամբ Տաճկահայաստանում աշխատող գիտարշավի անդամ էր:

Բացի Անիի աշխատանքներից Արամ Վրույրը Մառի հանձնարարությամբ, որպես հնագետ-լուսանկարիչ, գործուղվել է Հաղրատ-Սանահին, Թալին, Խոշավանք, Արգինա, Հին Զուղա և այլուր ու կատարել գոյալի աշխատանքներ:

Արամ Վրույրի լուսապակիների մեծ ժողովածուն 1909 թ. փոխադրվեց Պոլիս հրատարակության նպատակով, բայց նյութական արգելքների, այնուհետև պատերազմն ու եղեռնը պատճառ դարձան դրանց անհետացման: Այդ ժողովածուի կովկասում մնացած մասը գտնվում է իր որդու՝ Արտաշես Վրույրի մոտ, որի մեջ է նաև Հին Զուղայի մասը, բաղկացած 115 ապակուց:

«Զուղա» խորագրով հոդվածը, որ հրապարակվում է, Ա. Վրույրի անտիպ աշխատություններից է, գրված 1915 թ.:

ԱՐՏԱՇԵՍ ՎՐՈՒՅՐ

Ջ Ո Ւ Ղ Ա

Երկու խոսք

ԱՐԱՄ ՎՐՈՒՅՐ

Ես շատ էի ցանկանում, որ Ջուղայի մասին ընդհանրապես և նրա խաչարների մասին մասնավորապես ավելի ձեռնհաս անձն հանձն առնեի գրել մի ամփոփ տեսություն, բայց հակառակ իմ արած դիմումներին մինչ օրս այդպիսի մի գործի ոչ ոք չձեռնարկեց, իսկ ինձ համար շատ ցանկալի էր, որ մի ժամանակ իր հարստությամբ անշափ հոշակ հանած այդ «քաղաքը», ինչպես հորօրջում հեն իրենք, ջուղայեցիք, շմնար մեն մենակ, իր բազմաթիվ գեղաբանդակ խաչքարերով, այլ գրի առնվեին այն հատուկտոր ավանդությունները, որ ցրված են տեղացվոց մեջ, որոնք դարեր հոլովվելով կորել-նվազել, և հագիվ մի քանի առասպելանման անցքեր պատմվում են մեր օրերը:

Ջուղայեցիք աչքի ընկնող տեղ են գրավում XVI—XVII դարերի մեր ազգային պատմության մեջ, նախ իբր ջերմ ուսումնասեր մարդիկ, որոնք իրենց սուստ ոսկով հայ տպագրական գործի ռահվիրաներ են հանդիսացել, և իբր արևելքի բոլոր երկրների անխոնջ ու անվախ ճանապարհորդներ. միևնույն ժամանակ եղել են և այդ հրատարակությունների ամեն կողմ ցրված հայության մեջ տարածողները: Նրանք էին Պարսկական ժոցում (Բասրա) բուն դրած չարպիկ վաճառականները, որոնք հիմք դրին և անշափ ճոխացրին ու զարգացրին Հնդկաստանի և Արևմուտքի միջև առևտրական հարաբերությունը:

Նրանց առևտրական տները տարածված էին բացի Հնդկաստանի մի քանի գլխավոր կենտրոններից նաև Բաղդատ, Ռաշտ և էնդելի, Աստրախան, Մոսկվա, Ամստերդամ, Ճավա կղզին, Վենետիկ, Կ. Պոլիս, իսկ մյուս կողմից մինչև Զինաստան:

Իրենց գլխավոր գաղթավայրերում, մասնավորաբար Ն. Ջուղա, Մադրաս և Կալկաթա՝ հաստատում էին իրենց տպագրական մամուլը, որի ունեցած և ունենալիք ահագին նշանակությունը, իբր գործի մարդիկ, քաջ էին ըմբռնել:

Ջուղայեցիների ձեռք բերած անբավ հարստության պետք է վերագրել և այն վերացական, հանդուգն մտածումներն ու ծրագիրը՝ «անկախ Հայաստան» ստեղծելու գաղափարը, այն էլ XVIII դարում, որը անշուշտ համարում էին հնարավոր, առանց ոտքի տակ մի ամուր գետին ունենալու, լոկ ամենազոր ոսկու ուժով (տե՛ս «Ռոդայթ փառաց»):

Այսպես, XV դարից հաղիվ հրապարակ եկած ջուղայեցիք XVI, XVII դարերում հանկարծ քայլեցին հայկական հորիզոնում արտակարգ ցումունքով. ու իրենց փարթամության, հարստության գագաթնակետին հասան և ապա ասուպի նման անհետացան:

Աստիճանաբար խոնարհեցավ նրանց փառքի արեգակը նաև Նոր Ջուղայում, թողնելով իբր անցյալ հարստության կոթող մի շատ փառավոր վանք ու մի շարք փարթամ ու պալատանման տներ, և այնպես, ինչպես իրենց նախ-

կին բնակավայր Հ. Զուղայում, թողին հաղարավոր դեղաբանդակ կոթող-խաչքարեր:

Մեր ձեռքի տակ ունեցած բոլոր փաստերից հաստատապես կարելի է եղ-րակացնել, որ ինչպես ժամանակի պահանջած կրթության, այնպես էլ արվեստի նաշակը դարդացած է եղել Հայաստանի այդ խուլ անկյունում, որի ապացույցները տվին նրանք իրենց նոր հայրենիքում, որտեղից դուրս եկավ նաև Պարսկաստանում այն ժամանակի նշանավոր նկարիչ Մինասը¹:

ՀԻՆ ԶՈՒՂԱ

Նրա անցյալից ու ներկայից (լուսանկարչի հուշեր)

Ակադեմիկոս Մառը երբ որոշեց իր Անիի պեղումների սահմանները ընդարձակել և կաղմեց Անիի ինստիտուտի լայն ծրագիրը, որոշեց այն դարձնել հայկական աշխարհի հնախոսական-գիտական աշխատանքների կենտրոնավայր: Այդ օրվանից էլ աշխատանքները հետզհետե ընդարձակվեցին դեպի Գառնի, Դվին, դեպի Վիշապաղունների սահմանները (Աժդահայուրտի), Քալին, Հաղբատ-Սանահին, Վան և այլն: Սորանցից մեկի՝ Հին Զուղայի, գլխավորաբար նրա գերեզմանատեղի և տեղացիների մեջ այդ տեղահանված գյուղաքաղաքի մասին մնացած ավանդությունները հավաքելն ու հիշատակարանների լուսանկարելը ինձ հանձնվեց: Եվ ես Անիի ամառային լուսանկարչական աշխատանքները ավարտելուց հետո 1915 թ. սեպտեմբեր ամսի սկզբները իմ Արա որդու հետ ուղևորվեցի դեպի Զուլֆա երկաթուղու կայարանը և այնտեղից մոտ շորս վերստ հեռուն գտնվող Հին Զուղա գյուղը, որ համանուն ավերակ գյուղաքաղաքից գտնվում է քիչ հեռու, նրա արևելյան կողմը:

Իմ ուղևորության պաշտոնական հանգամանքը և նրանից բխած պաշտոնաթղթերը ամեն դյուրություն ընծայեցին և գյուղի ստարշինայի (ավագ) օգնականը առանց երկար-բարակ մտածելու իր մաքուր հյուրասենյակը, կից նախասենյակով, դրեց իմ տրամադրության տակ, որի փոխարեն ես էլ նրան միամտացրի, թե մի ինքնակոչ հյուր չեմ լինելու նրա տանը և թե իմ բոլոր կարիքը փողով պետք է վճարեմ: Այս կետը նրան ականերե բավականություն պատճառեց: Նախասենյակը իսկույն վերածեցի լուսանկարչական մութ սենյակի, և հաջորդ առավոտ այցելելով գյուղաքաղաքի ավերակներն ու գերեզմանատեղը՝ կաղմեցի իմ աշխատանքի ծրագիրը, ինձ հետ ունենալով գյուղի մի ինտելիգենտ՝ ուսանող բուրգեն Աղամալյան, որ սերում էր բնիկ հին ջու-

¹ Նկարիչներ «վարպետ Հակոբջան» և Մինաս շատ նշանավոր են հանդիսացած: Պատմագիրը առաջնու միայն անունն է հիշում, իսկ մյուսի մասին պատմում է շատ մանրամասնություներ: Մինասը իր արվեստը կատարելագործել է Հալեպում մի «ֆրանկի» մոտ (շատ հավանական է իտալացի) և ապա վերադառնալով Ն. Զուղա, սկսել նկարչությամբ և գլխավորաբար տեղվույն խոջանների տները նկարազարդելով պարապել. որոնցից մեկի, խոջա Մաֆրազի մոտ Շահսեֆի արքան տեսնելով նրա արտակարգ տաղանդը, անվանել է Մինասին պալատական նկարիչ: Նրա արվեստի գլխավոր առանձնահատկությունն էր մարմնի դանազան անգամների համաչափությունը, որից զուրկ էին ժամանակի նույնիսկ նշանավոր համարված պարսիկ նկարիչները: «Նոր Զուղայեցվոց պատմության» մեջ ևս հիշվում են վարդապետներ, որոնք նկարներով դարդարել են Ամենափրկչի վանքը (տե՛ս Պատմութիւն Առաքելի վարդապետի Դարիժեցույթ, Վաղարշապատ, 1896, գլ. ԻԹ, էջ 409):

ղայեցիներին, որի նախնիքը տեղահանության ժամանակ փախել-թաքնվել էին և ապա կրկին վերադարձել:

Հին Զուղայում, ինչպես երևում է, քարուկիր և հիմնավոր շինություններ եղել են շատ սակավ, որովհետև տեղահանությունից հետո որքան որ հրդեհի է մատնվել Զուղան, այնուամենայնիվ քար ու կրով շինվածքների մասերն ու պատերը որոշ չափով կմնային, մինչդեռ այստեղ ամեն ինչ համարյա հողի է հավասարած, ի բաց առյալ մի հնօրյա քարվանսարա և գյուղաքաղաքը ղերեղ-մանատնից բաժանող մի ողորմելի պարսպի մնացորդ: Ես երկար տարիներ բնակվել էի Անիում, շնչել նրա օդը, սովորել շարունակ տեսնել նրա հսկա ու աննման կոթողները, որոնք դարերի ընթացքում մաքառել էին մարդկային ու տարհրային քայքայիչ բռնություններին, և այնուամենայնիվ մեզ, քսաներորդ դարու մարդկանցս դարմացքի ու հիացմունքի առարկան դառնալու չափ անաղարտ մնացել: Եվ ես, որ շատ էի կարգացել մեծափարթամ խոջաների, նրանց հարստության ու ճոխության մասին, կամենում էի նրանցից մնացած ճարտարապետական-գեղարվեստական մի շքեղ կառուցվածքի գեթ ստվեր գտնել. բայց դուր, ամեն ինչ բովանդակված է գերեզմանատանը, նրանց խաչ-քարերի վրա և ուրիշ ոչ մի տեղ. Ես գիտեմ, Շահ Աբասի նման բռնավորը Զուղան հրդեհի մատնելով աշխատում էր նրա հետքն ամբողջ ջնջել և եթե լինեին իսկ խոշոր կառուցվածքներ, պիտի ջանար նրանց էլ հիմնահատակ կործանել. բայց այդպիսի շենքեր մինչև իրենց հիմունքը կործանվելով, սպառ-սպառ անհետ շենք կորչում երկրի երեսից, օրինակ, Զվարթնոց եկեղեցին մոտ 1000 տարի ավերակ մնում է Վաղարշապատում, և նրա չափով ու ձևով Անիում շինված Ս. Գրիգորը, որ 800 տարի է ինչ կործանած է, բայց այնուամենայնիվ նրանց փլատակների բլուրները լեռնացած մնում են, շնայելով նրանցից տարված մեծաքանակ սրբատաշ քարերին: Թեպետ և սա ևս պետք է խոստովանել, որ Զուղայի թե՛ գերեզմանատան մեծ մասի և թե՛ գյուղատեղի մնացորդների քանդման ու ոչնչացման գործին մեծապես նպաստել են երկաթուղու կառուցողները: Անխիղճ, կրթված ինժեներների ու տգետ կապալառուների ձեռքով հուշարձանները գործածվել են իբր քարհանք, և կես վերստաշափ տեղ գրավող երկաթուղու գծի տակի ձորը բարձրացնելու համար օգտագործել են խաչ-քարեր ու այլ հուշարձաններ: Տեսնելով, որ ջարդված ու ամբողջ, իբր հասարակ քար կամ խիճ գործածված են XV, XVI դարերի քանդակագործության ըստի՜ր նմուշներ, մարդ չի իմասնում, թե ինչ անուն տա այդ վանդալականությանը: Բանը այնտեղ է հասել, որ Հին Զուղայի մի գյուղացի, Սահակ Աբրահամյան անունով, տեսնելով կատարվող այդ անխիղճ բարբարոսությունը, վրդովվել է մինչև սրտի խորքը և օրական 80 կ. մշակներին վճարելով, իր հերթին սկսել է գերեզմանաքարերը ածել Արաքսը և մի մասն էլ փոխադրել գյուղի՝ իրենց բնակավայրի մոտ, որ գոնե այդպիսով թանկագին հիշատակարաններից մի մասը փրկվի: Այդ քարերը մինչ օրս էլ մնում են իրենց եղած տեղերում: Մինչդեռ այդ գերեզմանատունը, իր ընդարձակությամբ և ճոխությամբ միակերպով կասում, մի ճշմարիտ հնագիտական թանգարան է, որը, ես կարծում եմ, ամենայն խնամքով պետք է պահպաներ ժամանակի ուս կառավարությունը:

² Կարսում, փոքր կլոր գմբեթավոր հայկական հին եկեղեցու մոտերքը մինչև վերջին ժամանակներս ընկած մնում էին Գազկաշեն Ս. Գրիգորի վիթխարի խոյակներից երկուսը:

Ջուղայի կործանված կամուրջը և քարվանսարանները ապացույց են, որ նա Անիի ծաղկած ժամանակ դեպի Պարսկաստան գնացող ու վերադարձող կարավանների գլխավոր կայաններից մեկն է եղել: Բայց չկա ճոխություն, հարստության և ոչ մի հետք: Անցյալի անբարբառ, բայց պերճախոս վկաններն են Ջուղայի խաչքարերը: XVI դարու կիսից առաջ Ջուղայի թե՛ խաչքարերը և թե՛ այլ տապանաքարերը շատ հասարակ բաներ են, պարզ քանդակներ, հասարակ քարեր, էլ չեմ խոսում պատկերների բացակայության մասին: Մի խոսքով շատ հասարակ գերեզմանաքարեր, որոնց նմաններով լի է Հայոց աշխարհը: Բայց քանի թվականը մոտենում է XVI դարու կիսին, վերջերին և XVII դ. սկզբներին՝ ճոխությունն ու վարթամոթյունը ակնհայտնի աչքի են ընկնում: Ջուղայեցի մեծ կարծես մի տեսակ մրցում է երևում ճոխ ու նկարեն խաչքարերով միմյանց գերադանցելու: Նույնը կարծես նկատվում է ազգի տպագրական-կուլտուրական գործում նրանց ցույց տված եռանդի ու ջանքերի մեջ:

Այդպիսով տեսնում ենք, որ մասամբ ստուգվում է տեղացի մեծ ցայծմ մնացած այն ավանդությունը, որ Անին ամայանալուց հետո (XV դար) սկսվեց Ջուղայի ճոխանալը³:

Բայց անցնենք գյուղի սրեմտյան կողմը, դուրս գանք ներկա գյուղը հնից բաժանող կիրճից, և բռնելով երկաթուղու գիծը՝ հին գյուղատեղի ավերակների միջով դիմենք ուղղակի դեպի գերեզմանատունը:

Գյուղատեղը գերեզմանատնից բաժանված է խարխլած պարսպով, որ իր միառթի օրերումն էլ մի խեղճ բան է եղել, և ուր այժմ տիրում է լուծյուն սրտաճմլիկ ու աղիտոշոր այն ողբ ու կոծից, վայնասունից, հուսահատեցուցիչ այն աղաղակներից ու հեծեծանքներից հետո, որ վերջին անգամ պիտի արձագանքեին Ջուղան շրջապատող լեռներն ու բլուրները: Անցնելով այդ սարսռազդեցիկ մեռելային խաղաղության այն զարհուրելի տեղից, մտնում ենք «մեռելոց» աշխարհը. մեռած գյուղատեղ, մեռած՝ նրանից դեպ հարավ գտնվող հին քարվանսարան, մեռած Արաքսը, որ այդ ափերի մոտով անցնում է լոկ, անշշունջ, մեռած ամբողջ բնությունը: Եթե չլինեք երկաթուղու գծի պահապանի տնակը, և նրանից էլ քիչ հեռու սահմանապահ ղինվորների զորակայանը, պիտի կարծվի, որ այդտեղ ոչ մի շնչավոր գոյություն չունի:

Ահա և մեռելաստանը: Տեսարանը որքա՞ն խորհրդավոր է այդ խորին քարացած լուծյան մեջ: Մի քանի դարեր կյանք ունեցող հաղարավոր կճյա ուրվականներ, շարքերով կանգնած, կարծես պատրաստված են արշավանք գործելու. ճակատամարտը արդեն տեղի է ունեցել կարծես, որովհետև այդ հսկաններից որքանե՞ր աջ ու ձախ ընկած են անկարգ: Նրանց շարքերը երկար ձգվում են, շա՛տ երկար:

Ջուղայի գերեզմանատեղը բաղկացած է իրարից անջատ երեք բլրակներից (տե՛ս մեր պատկերները): Առաջ անցնենք բլրակներից և դառնանք դեպի արևելք, մանավանդ երբ միջօրեից քիչ անց է ժամանակը և այդ անբարբառ բազմության արևմտյան երեսները բավականաչափ լուսավորված են արևի հառազայթներով: Լույսն ու ստվերը մի ակնախտեղ պատկեր են բաց անում

3 Տեղացի մի շատ միամիտ բացատրություն են տալիս իրենց գյուղի անվան ծագման մասին, իրր երբ Անին սկսել է ավերվել և Ջուղան ճոխանալ, սա համարվել է նրա մի մասը կամ ճյուղը, այսինքն «ճյուղա»—Ջուղա:

ձեր առաջ. այդ հազարավոր քարերը ճոխապես քանդակված, կարծես ամենանուրբ ասեղնագործ հանդերձանքով զգեստավորված՝ իրենց դյուխական կերպարանքը ձեզ են դարձրած: Ի՞նչ հակապատկեր. ո՞ւր մնացին բիշ առաջվա տխուր ու միօրինակ, տափակ, քարյա կոթողները... նրանց փոխարինեցին բացմանուշակա-վարդագույն քարեր՝ ոտքից գլուխ պճնազարդ, և այդ զարդաքանդակների գլխավոր առարկան կազմում են խաչերը՝ զանազան ձևերով, զանազան չափերով, զանազան հյուսվածքներով:

— «սր խաչս բարեխօս առ քս...»

— «սր խաչս յշտկ է առ քս փրկութ... հոգո...»

Եվ այսպես հազարավորներ:

Շատ եմ տեսել խաչքարեր և առհասարակ նրանց կազմության քաջածանոթ եմ. երբ նրանց արևմտյան կողմը բաց է լինում, այսինքն հենված չէ լինում որևէ պատի, այդ մասը սովորաբար արձանագրություն է ունենում. իսկ արևմտյան երեսի վրա՝ քանդակազարդ խաչը; այդպես է մանավանդ ձորագետիների խաչքարերի մեծամասնությունը: Բայց ջուղայեցիք ունեցել են իրենց սեփական ոճը, ջուղայականը, եթե կարելի է այսպես ասել, չենթարկվելով հայկական խաչքարերի ավանդական ձևերին: Այստեղ քարի արևմտյան ճակատի վրա քանդակված է ոչ միայն խաչը, նրան շրջափակող ճոխ հյուսվածքով շրջանակը և արձանագրությունը, այլև շատ հաճախ՝ հանգուցյալի սպառազեն ձիավոր պատկերը: Այլ տեղերում սակավ հանդիպող խաչքարերի այս ոճը իր զարգացումն է ապրել Զուղայում և այդտեղ էլ մնացել՝ հարավից, հյուսիսից, արևմուտքից պարսպաձև վարդագույն ժայռերով շրջափակված որոնց միջից Արաքսն է հոսում հեզասահ՝ այդտեղից շեշտակի դիմելով դեպ արևելք:

Բայց այս արվեստը այն չէ, որին անվանում ենք հայկական ոճ, որի իբրև ընտիր օրինակներ կարող ենք ցույց տալ Բարսեղ եպիսկ. խաչքարը Անիում, Առաքելոց եկ. արևմտյան կողմը, որ պեղումներից գտնվեց ջարդ ու փշուր, որը նորոգել տվեց և իր պատվանդանի վրա կանգնեցրեց ակադեմիկոս Մառը. Սանահնում Գրիգոր եպս. Տուտեվորդու խաչքարը, որ մի ամենակատարյալ նմուշ է հայ արվեստի (XIII դար), Սարգսի խաչքարը նույն տեղում և ուրիշներ. սրանց կազմիչները ուրիշ ոգով են ոգևորվել, և իրենց կերտվածքին մի այնպիսի շունչ փչել, որը հավիտյան պիտի բարբառի թե ինքը մի պատվավոր ճեղկայացուցիչ է հայ արվեստի: Բայց այստեղ, Զուղայում չի զգացվում այդ ոգին, այդ շունչը. այստեղ քանդակները ճոխ են, հարուստ, կազմողների երևակայությունը ստեղծել է շատ բան, բայց ոչ նման միջնադարյան հայկականին. այլ մեծապես ազդված պարսկականից:

Այստեղ, այս գավառում աղճատվեց հայ լեզուն ունիթոռների ձևերով XVI դարում, և հենց այդ միևնույն գավառում, լեզվի աղճատման այդ շրջանին վիճակվեց նաև հայ արվեստի անկումը և այդ անկման մեջ նա հասավ ուրույն կատարելագործության գագաթնակետին, որ մինչ այդ բոլորովին խորթ էր հայ արվեստի մեջ, և մի ձևերով բռնելով այդ նոր արվեստը և այն զարգացնելով, մյուսը մեկնեցին մինչև նախահայկական, հեթիթական ու ասուրական մարդադիմ ու ցուլամարմին աստվածություններ:

Հին Զուղայի գերեզմանոցի առանձնահատկություններից մեկն էլ է անշուշտ իր խաչքարերի հետ խառն, մեջ ընդ մեջ ընկած քանդակազարդ ու պատ--

կերպարգ խոյերը: Քանդակված են գլխավորաբար նրանց կոնակը, կողերը և կոտոշները: Նրանք մեծ մասամբ թավալզուր ընկած են անկարգ, ընդհանրապես ջարդված, որոնց բոլորի մոտավոր կորուստը գուշակելով լուսանկարեցի համարյա ինչ որ կար: Շատ հետաքրքիր են նրանց վրա քանդակված պատկերներն ու արձանագրությունները: Նրանց վրա քիչ են երևում ձիավորված նկարներ, այլ բոլորը պահված են քեֆով. նվագածությամբ (սագ կամ թառ) և ուտել-խմելով. ճիշտ հակապատկերը խաչքարերի: Նստած են պարտեզում ծալապատիկ, իսկ նվագածուն ու մատովակը՝ ծնկաչոք: Հիշատակարաններն էլ շատ միօրինակ են.

— «Այս է հանգիստ Աղաւալոյն, պայծառ դոյնով նման վարդոյն. թվ. ՌԻՒ(1571):

— «(սբ) խաչս⁴ բարեխօս առ քս. մանուկ՝ յովհաննիսին, յոյժ սիրահար իւր ծնողին. թվ. ՌԻՄ»:

Որպեսզի հնար լինեի լուսանկարել պետք եղավ ընկածները ոտքի կանգնեցնել, իհարկե միայն նրանք, որոնց ուղղելու կամ կանգնեցնելու հնարավորություն կար: Այդ աշխատանքին մասամբ ինձ օգնում էին հայ ու վրացի սահմանապահ զինվորները՝ իրենց հրամանատարի թույլտվությամբ: Բայց այդ բոլորի մեջ կա մի հսկա, խոշորագույն խոյ, հսկա՝ իր ծավալով ու մեծությամբ, որ տապալած է, իսկ իր կանգնած տեղը փորփրած: Իր մեծության պատճառով, որ միակն է ամբողջ գերեզմանատանը, կարելի է նրան անվանել «խոյերի թագավոր»: Բարեբախտաբար այդ հսկան չէ ջարդված: Նրա երկարությունն է 1,97 մ, բարձրությունը՝ 1,16 մ, վզի շրջապատը՝ 1,44 մ: Մնացյալ մեծագույն խոյերի չավերն են. երկարությունները՝ 1,29 մ—1,05—95 և այլն:

Շատ հետաքրքրվեցի խոյերի այս ջարդ ու փշուր լինելու, ահագին աշխատանքով նրանց թավալզուր անելու և իրենց տակի հողն էլ փորփրելու պատճառների մասին, որին այժմյան Զուղայի ալևոր գյուղացիք հետևյալ բացատրությունը տվին:

Սրանից քանի տարիներ առաջ նոր Զուղայից գալիս է մեկը՝ Հին Զուղայից գաղթողների սերնդից, և պատմում, որ իր նախնիքը գաղթելիս, գերեզմանատանը գտնվող խոյերից մեկը դմակի կողմից ծակել են և փորի մեջը ոսկի են թաքցրել, իսկ դմակի վրայի ծակը խիցիով փակել: Եկողը շատ է փնտրում մի նման ծակած պոչով խոյ, բայց չգտնելով՝ հուսահատ վերադառնում է: Ահա այսպիսի մի պատմություն բավական էր, որ հին ջուղայեցիք շարունա-

⁴ Խոյերի վրա էլ, մի եզերքում, լինում են խաչաքանդակներ:

⁵ Մանուկ կամ Պայծառ մանուկ, որ ստեպ կրկնվում է Հ. Զուղայի խոյերի և խիստ սակավ էլ ուրիշ արձանագրությունների մեջ, կարծում եմ ծաղկահասակ, երիտասարդ, գուցե և նորափեսա մտքով գործածված լինի: Դրա մի հետաքրքիր բացատրությունն է Պարտիզակի (Վ. Պոլսո մոտ) բարբառով ժողովրդ.-հարսանեկան երգի խոսքերը:

Ասեք շնորհավոր, տեսեք շնորհավոր

Այս թագավորին, այս նոր մանուկին

Հանեցին հիններ, հաղուցին նորեր,

Այս թագավորին, այս նոր մանուկին: (Մ. Գ ա ս պ ա ռ յ ա ն. Հայերը

Նիկոմիդիո գավառին մեջ, էջ 297):

կեին և կատարելագործեին հիշյալ եկվորի սկսածը, ոչ միայն խոյերը փշրելով ու շուռ ու մուռ տալով, այլև նրանց տակի հողն էլ փոփրելով⁶։ Անվնաս մնացել են գլխավորաբար նրանք, որոնք փոքր են շափով և աննշան, իսկ մեծությամբ ու նկարներով աչքի ընկնողները համարյա բոլորը ջարդված են։ Թեև սա ևս պետք է հիշել, որ խոյերի քանդակման դյուրության համար վարպետներն ընտրել են ավելի փուխր քար, որոնք տարերքի ազդեցության տակ մասամբ կարծես հալվել, փոշիացել են։ Մեր մի քանի նկարների վրա այդ պարզ նշմարվում է։

Իմ առաջին այցելության ժամանակ գերեզմանատուն մեջ արդեն որոշեցի այն գլխավոր սյուժեները, որոնք ներկայացուցիչ կարող էին համարվել մի շարք իրենց նման խաչքարերի։ Նշանակեցի յուրաքանչյուրի որ բլուրի վրա գտնվելը և այլն, այնպես որ նրանից հետո երկար պրպտումներ չէին հարկավոր նշանավորագույնները գտնել-նկարելու համար։ Այդ բանում ինձ շատ աջակցություն ցույց տվեց ուսանող բուրգեն Աղամալյանը, որին ծանոթ էր գերեզմանատան համարյա յուրաքանչյուր աչքի ընկնող քարն ու անկյունը, և ինձանից առաջ էլ մի շարք ձանապարհորդ այցելուների առաջնորդ էր եղել և նրանց ընկերակցել։

Ընթերցող, այժմ ինձ հետ միասին այցի գնանք գերեզմանատուն, մտնենք խաչքարերի լարիրինթոսի մեջ, մոտից քնենք նրանցից գոնե մի քանի նշանավորագույնները, և միասին ճաշակենք այդ հեռավոր խուլ անկյունում ընկած-մոռացված գեղեցկությունների պատճառելիք հաճույքը։ Նախ այցելենք ջոջերից մեկին. քարուկրյաց մի ծածկույթ հովանավորել է նրան,— թեև այժմ երկու պատերն են միայն կանգուն. սբ խաչս բարեխաւս առ քս մեծ և անւանի

քաղաքապետի խաւջա խաչիկին որ ի Ռ և Ս.Գ. (1604) թւկնիս հանգաւ ի քս».

Խաչքարը կազմված է չորս համաչափ խաչերից, միանման քանդակներով և համանման շրջանակների մեջ, որից վերև, հիշյալ երկու տող արձանագրության միջից՝ քանդակված է փրկիչը՝ աթոռի վրա բազմած՝ ծնկների ու ոտքերի մոտ ունենալով չորս ավետարանիչների խորհրդանշանները. փրկչի աջ ու ձախ կողմերը առանձին շրջանակների մեջ շոքած դիրքով քանդակված են վեց սուրբերի պատկերներ, լուսապսակով։ Իսկ խաչի ստորոտում ձախակողմը՝ խոջա խաչիկի պատկերը, թուրով, բազմած ճոխապես վարդարված նժույզի

6 Հ. Զուղայի գերեզմանատան մանավանդ գյուղատեղի քանդումն ու պեղումը նոր քան չէր այլ սկսված է XVIII դարու սկզբից, Հ. Զուղայեցվոց տեղահանումից անմիջապես հետո և շարունակվում է մինչև այսօր։ Բայց լսենք ժամանակակից պատմիչին՝ Ռիսկ ժողովուրդը ջուղայեցւոց ոչ կարացին զինչս և զստացւածս իւրեանց զամենայն յառնալ և տանել ընդ ինքեանս... այք իւրաքանչիւր ոք պահելով թագուստ և զաղուստ արարեալ ի յարկս, և ի խորս, և ի վիհս, և ի պատշաճաւոր տեղիս, և յայնպիսի թողեալ զնացին։ Իսկ շրջադայ գեղօրէից քնակիչք և զաւառականքն, որք մերձ էին Հին Զուղայոց, դիտէին զպահուստն, զոր ջուղայեցիքն արարին. վասնորոյ զային նորա յարածամ և յուզէին. որոնէին, և պեղէին պհող և վքար յաղաղս դիտիւրնչից և բազումք բազում ինչս պտանեին» (Պատմութիւն Առաքելի վարդապետի 'Իւրիժեցոյս' էջ 522)։

Պատմադրի հիշած XVIII դարու պեղումները կատարվում են մինչև այսօր։ Եվ ես իմ այնտեղ գտնված ժամանակ դորան ականատես եղա։ Մի քանի ջուղայեցի, գլխավորաբար ծերունիներ, մանավանդ կիրակի օրերը, երբ ոչ մի զաշտային աշխատանք չկա, փոքրիկ բրիչներ առած ընկնում են գյուղատեղը և անվերջ փոփրում։ Արդյունքը—խորին զաղտնիք է, ինձ մ'այնց ցույց տվին մի քանի խեցեղեն ամաններ։

վրա: Պատկերի աջակողմը փորագրված է—«Խշս յշտկ խաւջա Խաչկին և կղկցն (կողակցին) Մարիամի...»:

Տիպար խաչքար՝ դուռ ջուղայական արվեստի, և կանգնեցրած համարյա տեղահանության նախօրյակին⁷:

Ահա ուրիշ նմուշներ. երկու ճոխապես քանդակված խաչքարեր, միմյանց մոտ, համարյա միաշափ: Կաղմողը ջանք չի խնայել, և իր ամբողջ շնորհքը գործադրել է այդ ջուղայական իսկատիպ օրինակների վրա իր արվեստի բոլոր նրբությունը ցուցաբերելու: Աջակողմինը շատ հարուստ քանդակված շրջանակի մեջ ներկայացնում է մի մեծ խաչ, որի բունի զարդաքանդակներից դուրս են ցցված երկու ձեռքեր և մեծ խաչի երկու կողմում բռնում են երկու ավելի փոքր խաչեր, խաչի պատվանդանի վրա քանդակված է անշուշտ Ադամի գլուխը, որի երկու կողմը մի տողի վրա փորագրված է. «Կաղմող Գրիգոր»: Խաչի տակ գտնվող ավանդական սկավառակից ներքև ուռուցիկ տառերով (որ այս դույզ խաչքարերի առանձնահատկություններից մեկն է) քանդակված է. «Աս է նշան տէրունական և բարեխաւս է փրկութե», մահադասի փաշամին հջն թւ Ռիկ (1576): Այդ ուռուցիկ տառերով փորագրված երեք տողերից հետո փորագրված է տպագրական տառերի օրինակով. «և հարադատ եղբրցն տր Աթանասին, բար... Մնղց»:

Խաչքարը շրջանակված է միօրինակ քանդակով, իսկ նրա գլխին, առանձին բունների մեջ զետեղված են կրկին շորս խաչեր:

Ջախակողմյան խաչքարը իր կենտրոնում ունի առանձին բունների մեջ զետեղված նուրբ քանդակված շորս համաշափ խաչեր, շրջանակված ճոխ ու բաղմաղան քանդակներով. ավանդական սկավառակի տակ պահարանաձև երկու բունների մեջ ուռուցիկ տառերով փորագրված է «սբ խշս բարեխաւս փրկութ»:

առ քս հանգուցեալ Գրիգորին հոգուն ի թվականիս: Ռիթ» (1580): Քանդակազարդ շրջանակի գլխին առանձին բունների մեջ վեց փոքրիկ խաչեր կան: Այս դույզ խաչքարերը ընտիր օրինակներ են Ջուղայի խաչքարերի և պետք է որ տրույն վարպետների գործ լինեն:


Բսկ մի այլ շատ պարզ խաչքարը,—պարզ իր խաչով, պարզ իր քանդակներով, նույնիսկ կոպիտ իր պատկերով, հետաքրքիր է իր արձանագրությամբ. ուր անմիջապես պատկերի վրա է: Պատկերը ներկայացնում է մի շատ կոպտորեն քանդակված ձիավոր, ձեռքին փոքրիկ խաչ, որ սովորական է առհասարակ տեսնել Ջուղայի խաչքարերի վրա փորագրված ձիավորների ձեռքին⁸:

⁷ Հին Ջուղայում, դյուղի ավերակների մեջ տեղացիք ավանդաբար ցույց են տալիս խոջա Խաչկի տնատեղու:

⁸ Տպագրական տառերի օրինակով արձանագրությունները նույնպես Ջուղայի խաչքարերի առանձնահատկությունն է և առաջին անգամ երևում է նրանց վրա:

⁹ Ես մասնավոր հետաքրքրություն ունեցա թե ի՞նչ են նշանակում ձիավորների ձեռքին դրված խաչերը, որոնք բոլորովին այլ կազմություն ունեն, կարծեք կազմված են երկու միմյանց ազուցած հավասար օղակներից: Ես կարծում էի, թե անշուշտ ջուղայցիք իրենց մեռելները թաղում էին ձեռքին տված մի այդպիսի մոմից կաղմված խաչ: Մի թիֆլիսցի վրացի ինձ պատմեց, որ հնումը այդ սովորությունը եղել է վրացվոց մեջ: Եվ քրիստոնեական հին գերեզմանները բացված են, և միջից գտնված են մոմից կաղմված խաչեր, նույն սովորությունը կա նաև իմերեթի հայոց մեջ: Թիֆլիսի հայերի մեջ ևս մինչև օրս կա այդ սովորությունը. միայն մանկահասակ նեղեցյալների վերաբերմամբ:


ձիավորի ոտքերի տակ ընկած են երեք մարդիկ, մեջտեղինի վրա քանդակված է «մղսպանք են», իսկ պատկերի վրայի արձանադրությունն է «սր խաչս քարեխաւս առ քս վասն Դավիթին, որ խոցեցաւ ալլաղղաց ի Ղարաբաղին»։ Թվականը անհայտ։ Ահա մի շատ սրտաշարժ արձանադրություն, մի նմուշ հայ երկարատև մարտիրոսադրության։




Հին Ջուղա. խաչքար. ձախից՝ Ա. Վրույրը։

Ահա և մի այլը նման բովանդակությամբ. խաչքարը պարզ է իր կազմությամբ, այսինքն կենտրոնի մեծ խաչով ու շրջանակի քանդակներով, բայց ամբողջը կազմված է այնպես, որ հիշեցնում է հայկական ոճը, որից շեղվում է իր նկարով և արձանադրությամբ։

«Խաչս յշտկ է Մանուկին, և քաջազոր մեծ ղինւորին։ Ինքն և իւր հայրն հեռուստ գային, անկան ի ձոն (ձեռն) ալլաղղին, և նետաձիք արբ (արար) գնորին. և յոյժ յղթց զիւր թշմին. (թշնամին) թվ. ՌԻԲ» (1573)։



Հին Զուղա. գերեզմանատան մի մասը:



Հին Զուղա. գերեզմանատան մի մասը:

Զինվորի¹⁰ պատկերը փորագրված է արձանագրության ձախակողմյան վերի անկյունում քառակուսի շրջանակի մեջ, կանգնած դիրքով, հագուստը երևի պողպատյա օղակներից հյուսված այն ղզեստն է, որ ընդունված էր այդ դարերում պարսկական և այլ արևելյան ազգերի զինվորներին հագնել, ձախ ձեռքով բռնած է սուրը, աջ ուսից կախ է աղեղը, կողքից՝ աջ ձեռքին բռնած է փոքր կացին:

Վերջացնում նրանով, որ ըստ ուսանող Գ. Աղամալյանի հաշվի, ընկած և կանգուն հուշարձանների ընդհանուր թիվն է 2100 (այս թիվը ստույգից տարբերվում է ոչ ավելի, քան 30—50 հատով):

НЕОПУБЛИКОВАННЫЙ АРХЕОЛОГИЧЕСКИЙ ОЧЕРК АРАМА ВРУЙРА «ДЖУГА»

АРТАШЕС ВРУЙР

(Р е з ю м е)

Известный мастер армянского театра Арам Вруйр одновременно являлся замечательным специалистом по археологическому фотографированию. В 1916 г. он находился в составе экспедиции акад. Н. Я. Марра в Западную Армению. Помимо участия в раскопках Ани, Вруйр по поручению Марра, как археолог-фотограф, работал в Ахпате, Сананне, Талине, Хошаванке, Аргинне, Старой Джуге и других местах. Публикуемый очерк написан им в 1915 г.

¹⁰ Պարսկական իշխանության տակ գտնվող այդ գավառում, որտեղի քրիստոնյայք աղատ էին զինվորադրությունից, զինվոր են հասկանում զինված այն մարդիկ, որոնք վաճառականներից վարձված՝ ուղեկցում էին նրանց կարավաններին: Այլ կերպ զինվոր բառը անրացատրելի է: Նույն մտքով է գործածում նաև պատմագիրը՝ «...այլ և տուաք գիշերապահ զինուորացն, որոց հասաս ասեն...» (Առաքյալ Դավրիժեցի, նույն տեղում, էջ 560):